



## Fegrum Fjallabyggð 2023 – 2024

Samráðsverkefni íbúa og stjórnarsýslu um forgangsröðun og úthlutun fjármagns til smærri nýframkvæmda í Fjallabyggð.

---

### Leiðbeiningar og upplýsingar um rafrænar íbúakosningar

---

#### Tímasetning kosninganna

Rafrænar kosningar hefjast mánudaginn 13. mars 2023 og eru opnar til miðnættis sunnudaginn 26. mars.

#### Kjörskrá og kosningaréttur

Rétt til þátttöku í kosningunum hafa íbúar sem eru búsettir í Fjallabyggð samkvæmt íbúaskrá Þjóðskrár þegar kosning hefst og verða 15 ára á árinu (fæddir 2008 eða fyrr). Inni á Mínum síðum á Ísland.is getur kjósandi skoðað hvernig hann er skráður í Þjóðskrá. Hvert atkvæði er dulkóðað. Ekki er hægt að rekja atkvæði aftur til kjósanda.

#### Kosning

Kosið er á milli 14 hugmynda í Fjallabyggð. Kosningin fer fram á vefsvæði betraisland.is þar sem notandi auðkennir sig með öruggum hætti með Íslykli eða rafrænum skilríkjum.

Kjósendur geta valið allt að þrjár hugmyndir sem þeim líst best á. Hægt er að kjósa oftari einu sinni á meðan kosningin er opin, en aðeins síðasta kosningin er gild.

Hverri hugmynd fylgir mynd, lýsing á verkefni, staðsetningu og kostnaðaráætlun. Hugmynd er kosin með því að velja hjartað sem er neðst í hægra horni hugmyndarinnar. Þær hugmyndir sem valið stendur á milli eru byggðar á hugmyndum íbúa sem finna má á hugmyndavef Fegrum Fjallabyggð.

#### Deiling á samfélagsmiðla

Til þess að deila hugmynd á samfélagsmiðla er smellt í vinstra horni hugmyndareits. Þar er form sem er myndað með þremur punktum. Ef smellt er á það form birtast merki samfélagsmiðlanna Facebook og Twitter. Ef smellt er á merki þessara miðla opnast tiltekinn miðill og viðkomandi getur deilt hugmyndinni út frá þeim aðgangi sem innskráður er þegar á merki miðilsins er smellt.

## Talning atkvæða

Fjármagni er skipt jafn á milli byggðarkjarna Ólafsfjarðar og Siglufjarðar eða 10 milljónir á hvorn stað. Val verkefna eftir kosningu raðast svo með eftirfarandi hætti:

1. Öll atkvæði eru talin og verkefnum raðað eftir fjölda atkvæða.
2. Því verkefni sem flest atkvæði hefur hlotið er stillt upp og kostnaðurinn við verkefnið dreginn frá heildarfjárheimildinni.
3. Það verkefni sem næst flest atkvæði hefur hlotið er tekið og borið saman við það sem eftir er af fjárheimildinni. Ef verkefnið rúmast innan fjárheimildarinnar er það sett á lista valinna verkefna. Ef það rúmast ekki innan heimildarinnar er því sleppt og þriðja atkvæðamesta verkefnið skoðað.
4. Svona gengur þetta koll af kolli, þar til fjárheimild fyrir báða byggðarkjarna hefur öll verið notuð eða hún orðin of lítil fyrir nokkurt þeirra verkefna sem eftir eru.
5. Ef upp koma tilfelli þar sem verkefni kosta jafn mikið og eru jöfn að atkvæðum og vafi leikur á um hvort þeirra skuli teljast valið, skera úrvinnsluaðilar úr um það með hlutkesti.
6. Ef upp koma tilfelli þar sem verkefni kosta mismikið og eru jöfn að atkvæðum og vafi leikur á um hvort þeirra skuli teljast valið, skera úrvinnsluaðilar úr um það með hlutkesti.

## Fullnýting fjármagns

Gert er ráð fyrir 20 milljónum til verkefnisins. Upp getur komið sú staða að fjármagn nýtist ekki til fulls vegna uppröðunar verkefna. Ef sú staða kemur upp skal sú upphæð nýtt til að mæta óvæntum kostnaði sem upp getur komið við endanlega útfærslu verkefnanna.

## Birting niðurstaðna

Niðurstöður kosninganna verða birtar um leið og talningu er lokið.

## Nánari upplýsingar

Frekari upplýsingar er að finna hjá Írisi Stefánsdóttur skipulagsfulltrúa í s.464-9111 eða með pósti í netfangið [iris@fjallabyggd.is](mailto:iris@fjallabyggd.is).